

Saeh Yinx Mbanjranz

□ Banh Cauzyangz Veiz Yennaz

Siengj mbouj daengz ciengx gaeq lij miz gij saeh mizyinx dem. Seizgonq, gou raen bouxlaux ciengx gaeq au ciengx baenz bi, duzgaeq ciengx baenz bi haenx noh net youh van. Seizneix, gou youq ndaw singz dingq vunz gangj ciengx gaeq ngamq sam seiq ndwen couh ndaej dawz bae gai, cungj gaeq neix noh naemz lij haelsing dem. Gou baenzlawz cungj siengj mbouj daengz, duzgaeq souhmingh raez daengz 10 lai bi, vunzraeuz ngamq ciengx saek bi baedauq couh gaj gwn lo.

Gou doeng naemj sae naemj, naemj daengz diuz mingh duz gaeq-boux geq neix, ngoenzlaeng mbouj rox de dwg geq lai le gag dai, roxaeuz deng vunz gaj daeuj gwn noh?

“Go ha, mwngz doegsaw lai naemj lai lo!” Beixnuengx riu gou you vunz lajmbwn couh suenq lo, lij you daengz duzgaeq bae.

Gienh saeh mizyinx daihngeih, dwg gangj aen ranzlaeuz moq ndeu. Seizneix, vunz lajmbanj ra ndaej ngaenz le cungj hwnq ranz moq. Vunz mbanj gou hix miz haujlai vunz ra ndaej ngaenz, ndaw mbanj ca mbouj lai ranzranz cungj hwnq ranz moq. Yienznaeuz ranz moq lai lo, hoeng ndaw mbanj ranz nem ranz laeuz dep laeuz, daj gyaе yawj gvaqbae raen lumj habfeiz doxdab yienghhaenx, yakyawj youh mbouj ndei youq geijlai. Miz vunz yienghneix gangjriu: Ranz-gwnz gwn maenz le ok aen roet ndeu, ranzlaeng cungj dingq ndaej nyi liux. Caiq gangj ha, danghnaeuz song gvanbaz hwnj mbonq gangj vah caiq guh di gijmaz dem, singyaem hung di cungj deng vunz ranznden dingqny liux.

Lajmbanj hwnq ranz mbouj miz

doengjit gviveh, vunzmbanj siengj baenzlawz hwnq cungj ndaej, yiengh-neix couh hwnq baenz gak ranz gak yiengh luenhcab cab lo. Mbanj gou haujlai ranzlaeuz caemh dwg hwnq baenz luenhcab cab, baenzlawz yawj cungj yawj mbouj hwnj da. Hoeng miz ranz ndeu caeuq vunz mbouj doengz, ranz neix youh sang youh lengj yienjda raixcaix, gig lumj ranzlaeuz ndaw singz, cungj ranzlaeuz ndaw singz heuhguh bezsu, bengz daengz au geij bak fanh cij cawx ndaej. Ranzlaeuz neix lumj bezsu lai, sang sam caengz buenq, najranz daengj song diuz saeu hung, gwnz saeu nem rindalijsiz, gij rindalijsiz gig dijbauj, boux gig miz cienz cij sij ndaej cawx cungj huq bengz neix daeuj nem diuz saeu. Ranzlaeuz lengj neix bangxcienz caemh mbouj doengz ranz vunz, dwg au cungj raemxduzliu daeuj daz, cungj raemxduzliu neix dijbauj lai, vunz ndaw singz hwnq ranzlaeuz sang cij yungh cungj raemxduzliu daeuj daz bangxcienz. Bangxcienz daz gvaq cungj raemxduzliu neix le, muengh gvaqbae youh lengj youh lwenqda. Yawj gvaq bangxcienz lwenqda ranz neix le, caiq yawj bangxcienz ranz vunz couh yakyawj lai lo: Bangxcienz vunzmbanj cungj nem gij cienmeng mongmumu, baez yawj couh rox dwg huq lanhchien mbouj dijcienz. Miz mbanj ranz caengz ra ndaej doh cienz, hwnq ranz le caengz miz cienz cawx cien nem bangxcienz, bangxcienz aen ranz couh lumj uq haexvaiz yienghhaenx yakyawj raixcaix.

Dingqgangj, ranzlaeuz lengj neix lien z hwnq lien dajcang gungh yungh bae 88 fanh maenz.

“Seizneix, ranzlaeuz cei q lengj



mbanj raeuz dwg ranz neix lo.” Beixnuengx doq gangj doq ndwnj myaiz byoegbyoeg, lumjnaeuz hoz-haenz ranz vunz neix lai lo. “Ranzcawj neix youq baihrog guh gunghcwnz fatcaiz lai le, de youq ndaw singz cawx ndaej ranz moq, cawx miz ci gyauczeh bengz heuhguh Bwnhciz, daengx ranz cungj youq ndaw singz youq. Ranz de youq ndaw mbanj hwnq aen ranzlaeuz lengj le, bi daengz byai cij miz sam nyied sam maranz baiq coj ninz song sam haemh.”

Gou dingq le miz di fug lo: Ndaw singz haujlai vunz cungj nanz rom ndaej 88 fanh maenz ngaenz cawx ranz, ranz vunz neix mboujdan miz ngaenz lai youq ndaw singz cawx ranz cawx ci, lij sai ngaenz lai youq ndaw mbanj hwnq ranz lengj, caemhcai ranzlaeuz ndaw mbanj bingzseiz vut hoengq dem.

“Daeggo, mwngz youq ndaw singz hwnjban geijcib bi lo, dingqnaeuz lij

guh boux lingjdaui iq dem, baenzlawz gangj cungj beij dou youq ranz guh hongnaz ra ndaej cienz ha? Seizneix aen ranzcoj mwngz yaek lak lo, mwngz seizi q ndaej youq gvaq ranzcoj geij bi ha, mwngz wngdang sai di cienz lid aen ranz gaeuq bae, youq dieg haenx caiq hwnq aen ranzlaeuz moq. Mwngz caemh dingqny bouxlaux gangj gvaq, ranzcoj lak le, lwglan couh nanz ra ndaej gwn lo.” Beixnuengx miz sim lai cij yienghneix caeuq gou gangj.

Gou youq ndaw singz hung hwnjban geijcib bi dahraix, hoeng ngaenzhong gou ngamq doh gwn doh yungh, geijcib bi gvaqdaeu cungj mbouj lw maz cienz, yienghneix gou cungj mbouj naemj gvaq au sai cienz dauqma ndaw mbanj hwnq ranzlaeuz moq gvaq.

Daengz seizneix, gou cungj mbouj rox yienghlawz caeuq beix-nuengx gangj cij ndei.

(sat)



Seizcin, gou yawjraen dah lwg-nyez ndeu ndwn youq yangzdaiz, ndaw fwngz de gaem diuz faexdwngx ndeu, gyaеuj faexdwngx ndeu cug geu cag nding gyaеunde i ndeu, geu cagnding mbin youq rog congheuceng. Gou byaij gyawj bae cam dah lwgnyez neix de yaek guh maz. De riuningnying dap naeuz: “Gou yaek ep duzmbaj.” Gou ngeizvae g dwk cam de baez ndeu:

Haengjheiq Dwg Duj Va Ndaw Mingh Hai Ok

□ Vangz Fungmingz Dangz Yengauh / 黄凤明 唐彦高

“Gou maj baenzneix hung, baez daihit dingqgangj naeuz ep duzmbaj, caiq gangj mwngz yaek au maz bae ep ne?” Dah lwgnyez neix riuho ho gangj naeuz: “Gou mbouj dwg ep ndang duzmbaj, cix dwg ep gij haengjheiq duzmbaj.”

Gawq vah neix hawj gou ngeix hwnj daxboh gou. Daxboh gou gyaеz sij faenzcieng geiq bae bause, mizseiz ndaejhoengq hix bae ep bya. De banhaet okdou, daengz yaek laep cij dauqma ranz. Miz baez ndeu, gou yawjraen de riu j aen gez bya hoengqhanghang dauqma, ndawde duz bya ndeu cungj mbouj miz. Hoeng, doeklaeng daxboh lijdwg eu fwen cod roen cod loh bae ep bya. Gou ngeix mbouj doeng, couh yaemjsisi byaij bae cam daxboh: “Boh ha, mwngz ep

bya baenzngoenz baenzhwnz, aen gez cungj byoqbyengbyeng ne, saek duz-bya cungj ep mbouj ndaej, mwngz baenzlawz lij angq baenz yienghneix ne?” Daxboh gou angqfwftwt gangj naeuz: “Dahlwg ha, mwngz lij saeq mbouj rox, ep bya dwg gou yaek ra aen dieg caemrwgrwg ndeu bae ngeix saeh, bya mbouj dot geu ngaz gou, gou hix mbouj miz banhfap. Hoeng, gou ep dwk haengjheiq, vahnug gangj ndaej deng, ‘miz cienz nanz cawx ndaej haengjheiq’. Caih gou miz mbouj miz cienz, ngoenzneix gou gaenq ndaej haengjheiq lo, mwngz naeuz gou baenzlawz mbouj simhai ne?”

Doeklaeng, gou riengz daxboh bae ep bya, raen de yaek dauqranz seiz, gawqyienz dawz geij duz bya ndaw gez cuengq dauq haeuj ndaw

dah bae. Laxlawz, doiq daxboh daeuj gangj, ep mbouj ep ndaej duz bya mbouj youqgaenj geijlai, cei q youq-gaenj dwg de ndaej bae ep bya ndaej haengjheiq lo, neix beij ndaej gwn nohbya lij habhoz.

Caen dahraix, mwngz yawj gyoengq vunz ndaej gyaеusouh, nanz-dauh bouxboux cungj ndaej gwndaenj ndei caez? Mbouj dwg ne, vihmaz gyoengqde lij lix ndaej baenzneix nanz ne? Gou nyinhnaeuz dwg gyoengqde ndaej gwn maz daenj maz cungj mbouj gvaqsim, miz geijlai ngaenz yungh hix mbouj haeuj uk, gag roxnyinh rimhoz caemhcai q haengjheiq couh baenz lo.

Haengjheiq dwg duj va ndaw mingh hai ok, de hawj raeuz mbouj-guenj youq gyawz cungj youq ndei gwn van, baenzngoenz riuho ho.